

Berita Manmin

NO. 40 13 APRIL 2025

Orang yang Telah Bertemu Tuhan



Melihat seseorang yang berhati lembut membawa kegembiraan dan ketenangan kepada kita. Kehadiran mereka seindah bunga, angin, atau langit yang cerah.

Saya sembuh daripada cakera hernia, yang menyebabkan saya hampir-hampir tidak dapat pergi bekerja.

Saudari Youngja Park | 59 tahun, Bucheon, Wilayah Gyeonggi, Korea

Pada 7 November 2024, saya hendak mengangkat bekas kimchi seberat 20kg untuk membuangnya ke dalam tong sampah makanan di apartmen. Pada saat itu, saya terdengar bunyi "krek" dari belakang badan saya. Bunyi itu begitu jelas sehingga saya dapat mendengarnya, dan kesakitannya begitu teruk sehingga saya tidak dapat meluruskan belakang saya atau menggerakkannya.

Saya menerima doa untuk orang sakit daripada Pastor Kanan Soojin Lee yang dirakamkan dalam telefon, dan kesakitan itu serta-merta berkurangan sedikit. Saya dengan susah payah menyelesaikan kerja lalu pulang ke rumah. Keesokan harinya, saya mengalami kesukaran untuk pergi bekerja lalu pergi ke klinik ortopedik untuk pemeriksaan. Doktor memberitahu saya bahawa cakera lumbar saya telah pecah dan saya perlu menunggu seminggu sebelum memutuskan sama ada saya perlu menjalani pembedahan atau tidak.

Pada hari Ahad, 10 November, saya menerima doa daripada Pastor Geumran Hwang lalu



kesakitan saya berkurang sehingga saya dapat pergi bekerja pada keesokan harinya. Pada 17 November, paroki saya mempersembahkan bunga di mazbah dan mengadakan pertemuan dengan Pastor Kanan Soojin Lee di studio bawah tanah. Ketika beliau berdoa untuk kami, saya menerima doa itu dengan iman.

Keesokan harinya, saya berasa panas di tempat kerja saya lalu menanggalkan bengkung saya. Saya berasa terkejut kerana tiada lagi kesakitan pada pinggang saya. Saya mencuba membongkok dan meluruskan pinggang saya serta menaiki dan menuruni tangga. Tiada lagi kesakitan atau ketidakselesaan. Saya sedar bahawa Tuhan telah menyembuhkan saya. Haleluyah!

Selain itu, Tuhan memberkati saya dengan membolehkan saya membeli sebuah rumah yang sangat baik pada harga yang sama dengan sewa rumah. Saya memberikan segala kesyukuran dan kemuliaan kepada Tuhan Bapa yang telah menyembuhkan dan memberkati saya.

Oh! Tiada lagi tisu kanser di dalam rektum!

Saudara Yongpil Jeong | 66 tahun, Garibong-dong, Guro-gu, Seoul, Korea

Pada Jun 2022, saya menyedari bahawa terdapat darah dalam najis saya lalu pergi ke hospital untuk menjalani endoskopi. Keputusan pemeriksaan menunjukkan bahawa saya menghidap kanser rektum. Saya sangat terkejut dengan diagnosis yang tidak dijangka ini kerana saya selama ini sihat bahkan dapat minum kopi ais pada musim sejuk. Kanser rektum berlaku apabila tumor yang membengkak berkembang di dalam saluran di antara rektum dan dubur, sehingga menghalang pembuangan air besar yang lancar.

Dua bulan kemudian, saya pergi ke hospital semula. Doktor memberitahu saya bahawa saya perlu menjalani pembedahan kecemasan. Namun begitu, tisu kanser adalah terlalu besar jadi mereka perlu mengecilkannya terlebih dahulu dengan kemoterapi sebelum melakukan pembedahan.

Kemoterapi ialah proses membunuh sel kanser dengan menyuntikkan ubat ke dalam saluran darah. Oleh sebab ubat ini bersifat toksik, sel normal juga boleh mati dan kesan sampingannya termasuk imuniti yang lemah, masalah pencernaan, serta gangguan fungsi tubuh, malah boleh menyebabkan kematian. Namun begitu, berkat doa daripada Pastor Kanan Soojin Lee dan mendiang Pengarah



Pusat Doa Manmin, Puan Boknim Lee, saya dapat menjalani empat bulan kemoterapi tanpa sebarang kesan sampingan.

Pada bulan Disember, tisu kanser menjadi lebih kecil, membolehkan saya menjalani pembedahan. Namun begitu, doktor memberitahu saya bahawa saya perlu menjalani pembedahan perut terbuka sepanjang 30 sentimeter dan selebar 20 sentimeter serta membuang rektum saya. Selepas itu, saya perlu menjalani pembedahan pemulihan dalam tempoh 4 bulan dan kemoterapi tambahan.

Saya sangat terkejut apabila mengetahui bahawa saya perlu menjalani pembedahan besar ini dengan sedikit harapan untuk pemulihan sepenuhnya walaupun selepas pembedahan. Saya membuat keputusan untuk tidak menjalani pembedahan dan menyerahkan segala-galanya kepada Tuhan. Doktor memberikan amaran dengan berkata, “Keadaan kamu akan menjadi lebih buruk tanpa pembedahan segera.”

Namun begitu, saya teringat bahawa saya pernah sembuh daripada infark serebrum dan patah tulang belakang melalui iman dan doa. Saya membuang semua ubat dan mula berdoa untuk kesembuhan saya melalui kuasa iman.

Saya merenung kembali kehidupan saya dan menyedari kekurangan saya walaupun telah sekian lama menjalani kehidupan iman. Saya bertaubat kerana pernah menghakimi, menghukum, dan membenci orang yang telah menyebabkan kesukaran kepada gereja ini beberapa tahun yang lalu.

Ketika saya berdoa dalam Perjumpaan Doa Daniel, mendiang Pengarah Boknim Lee mendoakan saya sebanyak dua kali dengan meletakkan tangan beliau ke atas saya dan berdoa, “Bakarliah segala penyakit dan kuman dengan api Roh Kudus, dan sembuh dengan sepenuhnya.” Saya merasakan api menyambar seluruh tubuh saya.

Ketika saya menghadiri Perjumpaan Kesembuhan Ilahi, Pastor Kanan Soojin Lee berdoa untuk orang sakit dengan menyebut senarai penyakit. Ketika beliau menyebut ‘kanser rektum’ dalam doa beliau, saya

menerima doa beliau dengan penuh iman dan berkata, “Amin! Amin!” dengan penuh harapan agar kanser saya lenyap sepenuhnya.

Pada bulan April 2024, saya menjalani pemeriksaan perubatan menyeluruh termasuk ujian darah, endoskopi, MRI, dan CT. Selepas pemeriksaan, dengan perasaan terkejut doktor berkata, “Oh! Sama sekali tiada lagi tisu kanser! Saya tidak dapat melihat sebarang kesan atau akar kanser.”


Saya sedar bahawa kanser rektum saya dan semua sel kanser telah lenyap melalui doa Pastor Kanan Soojin Lee dan mendiang Pengarah Boknim Lee. Haleluyah!

Saya mengenali beberapa orang yang perlu memakai lampin akibat kesan sampingan daripada pembedahan kanser rektum. Namun begitu, saya telah sembuh daripada kanser rektum tanpa perlu menjalani pembedahan dan telah sihat selama satu tahun 10 bulan. Saya amat bersyukur atas rahmat dan kasih Tuhan Bapa.

Saya memberikan segala kesyukuran dan kemuliaan kepada Tuhan yang telah menyembuhkan saya.



Tisu kanser ditemui



Tisu kanser tiada lagi

**‘Hanya Alkitab’
oleh Pastor Soojin Lee**

disiarkan melalui YouTube
dalam pelbagai bahasa



Ia menyampaikan surat kasih Tuhan
yang tersembunyi dalam Kitab Suci
dan kasih Tuhan yang melimpah-limpah

Dialih suara dalam 6 bahasa (Inggeris, Cina, Jepun, Sepanyol, Rusia, dan Perancis) dan disarikatakan dalam 13 bahasa (Korea, Inggeris, Cina, Jepun, Sepanyol, Rusia, Perancis, Urdu, Hindi, Swahili, Tamil, Romania, dan Ibrani).

** Anda dapat menonton ‘Hanya Alkitab’ hanya
dengan mengimbas kod QR.



Saya sembuh daripada inkontinens urinari selama 2 tahun!

Saudari Yeongseon Maeng | 71 tahun, Gimpo, Wilayah Gyeonggi, Korea



Saya menghidap inkontinens urinari sejak tahun 2022. Kadangkala saya terpaksa bertukar seluar dalam dua atau tiga kali sehari, dan saya berasa resah dalam setiap perkara yang saya lakukan. Pada mulanya, saya tidak menganggapnya sesuatu yang serius. Saya

tidak menganggapnya sebagai inkontinens urinari sehinggalah saya mendengar kesaksian orang lain yang sembuh daripada inkontinens barulah saya menyedarinya.

Saya tidak pernah berniat untuk mendapatkan rawatan perubatan dan membiarkan keadaan ini tanpa sebarang rawatan selama dua tahun. Sementara itu, pada Januari 2025, saya menghadiri upacara pengubumian mendiang Pengarah Pusat Doa Manmin, Puan Boknim Lee.

Dalam perjalanan pulang ke rumah, saya singgah di

sebuah tandas tetapi terpaksa membatalkan niat kerana barisan yang panjang. Saya tidak dapat ke tandas selama 4 jam sehinggalah saya tiba di rumah. Namun begitu, saya langsung tidak berasa tidak selesa. Sebenarnya, saya tidak sedar bahawa saya telah pun sembuh.

Keesokan paginya, saya pergi ke pasar dengan tergesa-gesa tanpa memakai pelapik seluar dalam. Saya berfikir, "Apakah yang sedang berlaku kepada saya? Sepatutnya saya sudah pergi ke tandas sebanyak beberapa kali, tetapi saya berasa baik-

baik sahaja!" Ketika itu juga saya sedar bahawa saya telah sembuh.

Mantan Presiden Pusat Doa Manmin sentiasa memberikan dorongan kepada saya dengan berkata, "Kamu dapat melakukannya" dan satu-satunya perkara yang saya lakukan di hadapan Tuhan hanyalah menghadiri upacara pengubumian beliau. Tuhan telah menghiburkan hati saya dan menyembuhkan penyakit saya. Haleluyah!

Saya memberikan segala kesyukuran dan kemuliaan kepada Tuhan.

Saya kini dapat membuang air kecil dengan bebas!

Saudari Hyoeun Choi | 9 tahun, Guro-dong, Guro-gu, Seoul, Korea



Saya tiba-tiba tidak dapat membuang air kecil dari 15 hingga 17 Januari 2025. Saya terpaksa duduk di dalam tandas dalam tempoh yang lama. Saya berasa sangat sakit pada bahagian bawah abdomen dan tidak tahu apa

yang perlu saya lakukan. Nenek saya sangat bersimpati melihat saya bergelut dengan keadaan itu.

Pada 17 Januari, nenek membawa saya ke hospital untuk pemeriksaan. Doktor berkata bahawa tiada punca yang ditemui lalu menyarankan kami untuk pergi ke hospital yang lebih besar. Keesokan harinya, iaitu Sabtu, 18 Januari, anggota paroki saya mengadakan pertemuan dengan Pastor Kanan Soojin Lee sempena tahun baru.

Sebelum pertemuan itu, nenek dan saya berbincang mengenai keadaan saya dan kami berkeinginan untuk menerima doa beliau.

Dalam pertemuan bersama Pastor Kanan, saya berasa sangat tersentuh oleh khutbah beliau. Apabila beliau berdoa untuk semua hadirin, saya menerima doa beliau dengan iman. Kemudian, saya menulis perkataan 'buang air kecil' pada tapak tangan saya lalu berjabat tangan dengan beliau.

Selepas pertemuan itu, tubuh saya terasa sangat baik dan ringan dalam perjalanan pulang. Sebaik sahaja tiba di rumah, saya tiba-tiba ingin ke tandas, dan buat pertama kalinya dalam masa tiga hari, saya dapat membuang air kecil. Haleluyah!

Kini saya dapat ke tandas tanpa sebarang masalah dan menjalani kehidupan yang sihat. Saya memberikan segala kesyukuran dan kemuliaan kepada Tuhan yang telah menyembuhkan saya.

Perjumpaan Kesembuhan Ilahi

Peluang istimewa untuk kesihatan dan kebahagiaan anda!
Kerja penyembuhan dan jawapan yang melimpah-limpah
melalui kerja Roh Kudus yang penuh kuasa!
Datang dan lihatlah keajaiban baru dan kehidupan baru!

Pada pukul 11:00 malam, Jumaat, 30 Mei 2025
Di Gereja Pusat Manmin
Oleh Pastor Kanan Soojin Lee

Siaran secara langsung melalui GCN TV!



Mengapakah mereka membahagikan pakaian Yesus dan membuang undi untuk jubah-Nya? (1)

Sebab pakaian Yesus dibahagikan kepada empat bahagian

Sebelum disalibkan, tubuh Yesus sudah berlumuran darah kerana mahkota duri yang dikenakan pada kepala-Nya dan disebat dengan teruk. Dia memikul salib yang berat pada bahu-Nya dan setelah tiba dengan susah payah di Golgota, tempat pelaksanaan hukuman, para askar Roma menyalibkan-Nya dan membahagikan pakaian-Nya kepada empat bahagian. Namun begitu, mereka tidak membahagikan jubah-Nya tetapi membuang undi untuknya. Dalam hal ini, tersembunyi ketentuan Tuhan yang mendalam.

1. Ketentuan di sebalik pembahagian pakaian Yesus kepada empat bahagian

Yohanes 19:23-24 mencatatkan: "Setelah menyalib Yesus, askar-askar mengambil pakaian-Nya, dibahagi empat, sebahagian untuk setiap askar. Mereka mengambil jubah-Nya juga. Jubah itu tidak berkelim, seluruhnya dianyam dari atas. Oleh itu, mereka berkata sesama sendiri, 'Janganlah kita koyakkan. Kita buang undi untuk menentukan siapa yang dapat.'"

Mengapakah Tuhan mencatatkan pakaian dan jubah Yesus dengan begitu terperinci? Jawapannya dapat ditemui dalam sejarah Israel selepas tahun 70 Masihi.

Yesus datang sebagai Raja orang Yahudi, dan pakaian Yesus secara rohani melambangkan 'Israel' atau 'bangsa Yahudi'. Para askar Roma menyalibkan Yesus dan membahagikan pakaian-Nya kepada empat bahagian. Bentuk asal pakaian-Nya hilang, yang melambangkan bahawa negara Israel akan musnah dan lenyap.

Namun begitu, setiap bahagian pakaian-

"Setelah menyalib Yesus, askar-askar mengambil pakaian-Nya, dibahagi empat, sebahagian untuk setiap askar. Mereka mengambil jubah-Nya juga. Jubah itu tidak berkelim, seluruhnya dianyam dari atas. Oleh itu, mereka berkata sesama sendiri, 'Janganlah kita koyakkan. Kita buang undi untuk menentukan siapa yang dapat.' Dengan demikian terlaksanalah apa yang tersurat dalam Kitab Suci: 'Mereka membahagikan pakaian-Ku antara mereka dan untuk mendapat jubah-Ku mereka membuang undi.' Begitulah yang dilakukan oleh askar-askar itu."

(Yohanes 19:23-24)

Nya kekal ketika setiap askar mengambil satu bahagian pakaian itu. Hal ini menunjukkan bahawa walaupun negara Israel musnah, nama 'Israel' tetap kekal. Sepertimana pakaian Yesus dibahagikan kepada empat bahagian, Israel akhirnya dimusnahkan pada tahun 70 Masihi dan orang Yahudi terserak ke seluruh dunia.

Inilah sebabnya orang Yahudi terdapat di serata dunia hingga hari ini. Ketika kota Yerusalem dimusnahkan oleh Jeneral Roma, Titus, tentera Roma meruntuhkan tembok Yerusalem dan membakar Bait Suci. Oleh sebab banyak struktur Bait Suci dilapisi dengan emas, emas itu mencair lalu menyerap ke dalam dinding.

Untuk mendapatkan emas itu, mereka meruntuhkan tembok sepenuhnya sehingga tidak ada satu batu pun yang tertinggal di atas batu yang lain.

Wanita-wanita hamil dirobek perutnya dan bayi-bayi dipisahkan daripada ibu mereka serta diremukkan. Banyak orang dibunuh dengan kejam dan selebihnya ditawan ke Roma atau kota-kota lain. Israel mengalami penindasan dan penderitaan yang begitu dahsyat, bukan secara kebetulan, tetapi atas sebab rohani.

Dalam Matius 27, terdapat satu peristiwa di mana Pilatus melihat bahawa rusuhan sedang berlaku, lalu dia menyerahkan Yesus untuk disalibkan sambil berkata, "Aku bebas daripada kesalahan menumpahkan darah orang yang baik ini. Kamu tangani lah sendiri." Maka semua orang Yahudi di situ menjawab, "Biarlah darah-Nya tertanggung di atas kami dan zuriat kami."

Seperti yang dikatakan oleh mereka, keturunan mereka mengalami pertumpahan darah yang dahsyat. Ketika Yerusalem dimusnahkan oleh tentera Roma pada tahun 70 Masihi, lebih kurang 1.1 juta orang Yahudi dibunuh. Selain itu, sekitar 6 juta orang Yahudi dibunuh secara beramai-ramai oleh Nazi semasa Perang Dunia Kedua. Mereka telah menyalibkan Yesus dalam keadaan telanjang sambil berkata, "Biarlah darah-Nya tertanggung di atas kami dan zuriat kami." Kata-kata ini menjadi jerat bagi mereka, membawa penderitaan yang mengerikan, dan mereka dibunuh dalam keadaan telanjang semasa Perang Dunia Kedua, mengikut apa yang telah diucapkan oleh mereka sendiri.

< Bersambung dalam edisi yang seterusnya >